

Excursiuns da scolaras e da scolars 2016 da l'assicuranza d'edifizis dal Grischun 2'200 uffants emprendan ad enconuscher ils privels dal feu e da l'aua

Gia per la tschintgavla giada vegn organisada a Tusaun l'excursiun da scolaras e da scolars "Fieu ed aua". Las classas da scola vegnan envidadas da l'assicuranza d'edifizis dal Grischun a questa excursiun d'in di.

Dals 29 d'avust fin ils 7 d'october 2016 sa participeschan var 2'200 scolaras e scolars da las 5. e da las 6. classas da tut il Grischun a l'excursiun da scolaras e da scolars en il center da scolaziun Pantun. Là emprendan ellas ed els co ch'ins po sa proteger cunter ils privels dal feu e da l'aua. L'interess da vart da las scolas è impressiunant. Gia suenter pauc temp era l'excursiun cumplettaimain occupada.

Bler da scuvrir

Di per di arrivaran var 80 scolaras e scolars plain spetgas cun lur persunas accompagnantas a Tusaun. Suenter ina curt marsch a pe al center da scolaziun Pantun vegnan ils uffants manads tras il program en gruppas che sa spostan alternantamain en quatter plazzas da lavur.

A l'emprima piazza da lavur "Fieu" vegni mussà a las scolaras ed als scolars cun visitas guidadas captivantas e cun exercizis pratics co ch'ins sa deporta correctamain en cas d'incendis. Ellas ed els emprendan ad applitgar las cuvertas-stizzafieu e vesan a temp ils privels da feu e san suenter co ch'ellas sezzas ed els sezs pon evitar privels en il mintgadi.



A la segunda piazza da lavur "Aua" mussan ils pumpiers als uffants differentas situaziuns che han da far cun l'aua sco element privlus. Cun satgs da sablun e cun aissas da lain sto las auas vegnir deviadas per che la stalla cun ils ansiels na vegnia betg inundada.



A la terza piazza da lavur "Pumpiers" èn las scolaras ed ils scolars appartegnents dals pumpiers che salvan sut circumstanzas difficilas persunas ed animals.

A la quarta piazza da lavur "Il torrent Anugl" mussa il manader d'excursiuns cumprovà Andi Triet a las scolaras ed als scolars, co ch'ellas ed els ston sa deportar correctamain en cas ch'in aual alpin maina aua gronda. E sch'ina sburflada d'aua tschiffa las chasettas ch'ils uffants han construì a l'ur da l'aual, vegn tschentada la dumonda che occupa er adina puspè l'assicuranza d'edifizis: «Tgi bajegia memia datiers da l'aual?». La resposta dals uffants è clera: «Mo la glied irraschunaivla!»



Buna investiziun

La GVG organisescha quest eveniment ensemen cun la Viafier retica e surpiglia tut ils custs dal viadi, da l'alimentaziun, da l'instrucziun e da la documentaziun. Questa investiziun per scolar noss uffants en il sectur da la prevenziun vala en mintga cas la paina. Els vegnan a manar pli tard independentamain lur tegnairchasa, a garantir il servetsch da pumpiers ed ad esser conresponsabels – sco burgaisa e sco burgais infurmà – per la segirezza cunter donns chaschunads dal fiu e cunter donns elementars en noss chantun. «Nus essan persvadids, che nus pudain francar enonuschientschas persistentas davart la prevenziun da donns da fiu e da donns elementars tar ils uffants e tar lur persunas accompagnantas. Mo in unic incendi d'in edifizis per onn stuess vegnir impedì per ch'ils custs totals sa pajan», explitga il directur da l'assicuranza d'edifizis, Markus Feltscher.